



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 413
fax. +387 33 726 423
e – mail: info@voda.ba

Broj: **UP-1/21-1-40-343-5/24**
Datum: **22.08.2024. godine**

«Agencija za vodno područje rijeke Save» Sarajevo rješavajući po zahtjevu Grada Goražde za izdavanje prethodne vodne saglasnosti za čišćenje korita rijeke Drine uzvodno od mosta Alije Izetbegovića, grad Lukavac, na osnovu člana 109. stav (1) tačka 14., a u vezi sa članom 81. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22) **donosi**

RJEŠENJE **o prethodnoj vodnoj saglasnosti**

1. Investitoru, Gradu Goražde daje se prethodna vodna saglasnost za čišćenje korita rijeke Drine, uzvodno od mosta Alije Izetbegovića, u dužini cca 150m (P1-P4), na području grada Goražde, u cilju poboljšanja hidromorfološkog stanja vodotoka i sprječavanja štetnog djelovanja voda.
2. Prethodna vodna saglasnost se daje na osnovu pregleda dokumentacije dostavljene uz zahtjev i pod slijedećim uslovima:
 - 2.1. Izraditi investiciono - tehničku dokumentaciju na nivou potrebnom za pribavljanje odobrenja za građenje u skladu sa propisima koji važe za ovu vrstu radova, a koja treba da je urađena od strane ovlaštenog pravnog lica u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 2.2. Projektnom dokumentacijom treba dati tehničko – ekonomski optimalno rješenje čišćenja i uređenja korita rijeke Drine u cilju sprječavanja/umanjenja štetnog djelovanja voda i poboljšanja hidromorfološkog stanja vodotoka i dinamike prirodnog procesa tečenja na lokalitetu navedenom u tački 1. Rješenja i sadrži, uz sve ostale priloge općeg karaktera, slijedeće:
 - Situativni prikaz sa ucrtanom dionicom obuhvaćenom aktivnostima uređenja i čišćenja korita rijeke Drine sa odgovarajućom legendom i pojašnjenjima, na ažurnim geodetskim podlogama (ne starija od tri mjeseca), kao i uzdužnim i poprečnim profilima riječnog korita urađenim na bazi geodetskih snimanja, koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova;
 - Na razmaku od prosječno 50 m ili na kraćem rastojanju snimiti i u odgovarajućoj razmjeri prikazati poprečne profile sa stabiliziranjem i obilježavanjem bočnih tačaka, sa dovoljnom dužinom u zaobalju, te dovoljnim brojem tačaka u koritu rijeke Drine;
 - Geometrijske karakteristike korita (širina, dubina, osovina i sl.), njegov položaj i veličinu treba usaglasiti sa prirodnim stanjem korita i uskladiti sa izgrađenom regulacijom ove dionice korita i dati odgovarajuća obrazloženja;
 - Sa ribolovnim društvom, koje je korisnik ribolovnog prava na ribolovnom području na kome se provode navedene aktivnosti, usaglasiti vremenski period u kojem je moguće izvođenje radova na uklanjanju nanosa iz korita vodotoka, vodeći računa o periodu mriještenja plemenite ribe, te utvrditi dinamiku izvođenja radova;
 - Zahvati na čišćenju korita korita moraju uvažiti postojeće imovinsko - pravne odnose i radove svesti u pojas kojim će se najmanje narušiti privatni posjedi i parcele uvažavajući pri tome i pristup lokalitetu na kome će se radovi izvoditi;
 - Kroz predmjer radova utvrditi bilans masa na bazi geodetski snimljenih poprečnih i uzdužnog profila uz procjenu kvaliteta upotrebljivosti materijala i procentualnog učešća pojedinih komponenti (smeće, mulj, humus, kamen, šljunak, rastinje i sl.);

- U zavisnosti od utvrđenog kvaliteta i količine izvađenog materijala, definisati mjesto njegovog odlaganja, odnosno daljeg korištenja.
- Utvrditi moguće uticaje na druge objekte i postrojenja, korito vodotoka, površinske i podzemne vode, stečena prava korisnika i sl. i mjere za ublažavanje tih uticaja;
- Zahvati uređenja korita trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;
- Prilikom definiranja načina izvođenja radova na predmetnom lokalitetu, uvažiti postojeće stanje korita, morfologiju terena, geološki sastav korita, sigurnosni aspekt i slično.

Projektna dokumentacija treba da bude urađena na zakonski zahtijevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.

3. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.

Uz zahtjev se, između ostalog, prilaže:

- Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste) za predmetnu dionicu uređenja rijeke i dokaz o riješenim imovinsko – pravnim odnosima,
 - Saglasnost nadležnog udruženja ribolovaca na termine provođenja radova na predmetnom potezu korita rijeke Drine,
 - Podatke o planiranom mjestu ugradnje upotrebljivog materijala izvađenog iz vodotoka kao i mjestu deponovanja za materijal koji nema upotrebnu vrijednost (mulj, smeće, granje, humus i sl.),
 - Validne dokaze o riješenim pitanjima imovinsko-pravnih odnosa na prostoru na kome će se izvoditi radovi te na trasi pristupnog puta do lokacije vađenja materijala iz vodotoka i do lokacije za deponovanje kao i na samoj lokaciji za deponovanje izvađenog materijala.
4. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 5. Ovu prethodnu vodnu saglasnost će Investitor koristiti u postupku dobijanja urbanističke saglasnosti i okolinske dozvole ukoliko ova vrsta radova podliježe obavezi ishodovanja istih i ona definiše uslove koje projektna dokumentacija treba zadovoljiti sa aspekta voda u skladu sa Zakonom o vodama u postupku dobivanja vodne saglasnosti.
 6. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

Obrazloženje

Investitor, Grad Goražde, podnio je zahtjev za izdavanje prethodne vodne saglasnosti za aktivnost čišćenja korita rijeke Drine, uzvodno od mosta Alije Izetbegovića, u dužini cca 150m (P1-P4), na području grada Goražde, u cilju poboljšanja uslova tečenja.

Uz zahtjev je dostavljena i pregledana slijedeća dokumentacija:

- Ukaz o proglašenju Zakona o Gradu Goražde, Sl. novine FBiH broj 32/17 (kopija),
- Ovjerena kopija Uvjerenja o poreznoj registraciji od 24.08.2017. godine, izdatog od strane Porezne uprave FBiH – Kantonalni porezni ured Goražde,
- Stručna ocjena Komisije, u postupku izdavanja urbanističke saglasnosti, po Odluci Gradskog vijeća grada Goražde, broj: 01-02-1-1979 od 12.05.2022. g., sačinjena 03.05.2024. godine (kopija),
- Mišljenje Službe za urbanizam, prostorno uređenje i komunalne poslove broj: 04-3-19-2-454/24 od 05.06.2024. godine,
- Kopija katastarskog plana R 1:2500 za parcele k.č. 1904/1 K.O. Goražde II i k.č. 4060 K.O. Goražde I, Grad Goražde,

- Zemljišnoknjižni izvadak ZKU broj: 3334 K.O. Goražde I i ZKU broj: 1484 K.O. Goražde II,
- Kopija uplatnice upravne takse 80KM,
- „ELABORAT: ČIŠĆENJE NAPLAVINA IZ KORITA RIJEKE DRINE NA PODRUČJU GORAŽDA, urađen od strane „Higracon“ d.o.o. Sarajevo, decembar 2023. godine u el. formi - CD.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 07.08.2024. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnim novinama „OSLOBODENJE“. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Predmetna aktivnost obrađena je projektnom dokumentacijom: „Elaborat: Čišćenje naplavina iz korita rijeke Drine na području Goražda, urađen od strane „Higracon“ d.o.o. Sarajevo, decembar 2023. godine.

Procijenjeno je, prema dostavljenom Elaboratu, da na predmetnoj dionici vodotoka od P1-P4 (L=150m) treba ukloniti cca 5200 m³ materijala iskopom nanosa, odnosno urediti korito, ukloniti šibljje i nisko rastinje, odnosno provesti aktivnosti na održavanju prirodnog vodotoka kako je propisano članom 81. stav (1) Zakona o vodama.

Čišćenje korita i uklanjanje vegetacije (drveće, šibljje) izvršiti na način da se ne pospješe erozioni procesi i ne ugrozi stabilnost obale.

Na osnovu priloženog elaborata u kome je utvrđena potreba za čišćenjem korita rijeke Drine, na predmetnom lokalitetu u svrhu održavanja proticajnog profila, u dispozitivu ovog rješenja su utvrđeni uvjeti kojima mora udovoljiti dokumentacija na osnovu koje će se pokrenuti postupak za izdavanje vodne saglasnosti za čišćenje vodotoka, a sve u skladu sa članom 111. stav (1) Zakona o vodama.

Dana 22.08.2024. godine uplaćeni su i posebni troškovi prema Zaključku ove Agencije broj: UP-1/21-1-40-343-4/24 od 20.08.2024. godine.

Na osnovu prednjeg i provedenog postupka, a shodno članu 109. stav (1) tačka 14., a u vezi sa članom 81. stav (1) Zakona o vodama, doneseno je rješenje kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Obrađivač akta

Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- Grad Goražde, Maršala Tita 7, 73000 Goražde
- ⊙ AVP Sava, ISV-vodna knjiga – ovdje
- Arhiva – ovdje
- AVP Sava – Oglasna ploča